

حيات

حياتہ راہما حیاتہ... ریایہ راہا جیروہ حیات فانالم!...

- نیچہ -

اداره مرکزی :

آنقره ده ، استانبول جاده سنده آنقره
معارف امینلکی یاشده کی دائره

استانبول بروسه :

استانبولده ، باب عالی جاده سنده رسلی پرشیه
اداره خانمسی داخلده کی دائره
تلفون : ۳۶۰۷

نسخه سی هربرده ۱۰ غرورده .

سنه لکی پوسته ایله ۵ لیرا .
(اجنبی مملکتلر ایچین ۴ دولار) .

ایونه واعلان ایشلری ایچین استانبول بودوسنه
مراجعت ایدیلیر .
یازی ایشلرینک مرجعی آنقره مرکزدر .

صافی : ۱۲

آنقره ، ۱۷ شباط ، ۱۹۲۷

۱ نجی جلد



یکی اخلاق

کچن کون بر غزته ، اخلاق سز لک چوغالده سندن ،
کنج لرده کی اکنجه وسفاهت ابتلا سندن شکایت
ایدیوردی . بوشکایت زمان زمان تکرر ایدر .
قونوشد یغکز آدم لر عمومی احوال دن بحث ایدر کن
سوز آراسنده ، زمانک اخلاقی سقوطنی آجی
بر تار لره تعریف ایدر لر . بو قطعی حکمده نهیه
استناد ایتدکلرینی صوره کز ، سزه صوک
زمانلرده اور تالغی استیلایدن دانس مراقندن ،
فحشک آرتدیغندن ، قادیله ارکک آراسنده کی
مناسباتک کیتدکجه لایبالیشدی کندن ، صیق صیق
اور تادن غائب اولان کنج قیزلردن ، جنایتلرک
وخرسز لقلرک چوغالده سندن ، سوء استعماللردن
بحث ایده جکلردر . بونلر ، فی الواقع هر کون
غزته ستونلرینی دولدران و دماغده شدتله
محفوظ قالمق قوتنه مالک اولان وقعهلرک خلاصه سندن
عبارتدر . بر جمعیتک اخلاق سویه سنه دائر
حکم ویررکن ، یومی غزته شئوننی وثیقه دییه
کوسترملرک بر ملتک تاریخننی قورو روایتلر
اوزرینه یازمغه بکزره .

فردلر ایچون اولدینی کی ملتر ایچونده
کندی نفسی حقنده حکم ویررکن متواضع
و محویتکار داورانمق ایی بر مزیتدر . فقط
بدینلکی افترایه قدر کورتورمکده ایی براعتیاد
دکلدر . کندی کندیمزه افترا ایتیهلم . وقوعاته
سطحی بر نظر بزی اکثریا پک یا کاش حکملره
سوق ایدر . شو ویا بو نوع حادثهلرک غزته
صحیفه لرنده ، دیگر حوادثه نسبتله مبالغه لی بر

شکلده بر طوموسی ، یاخود بو کی حادثهلرک اخلاقی
حسارمنزی ماضیه نظرأ دها فضله رنجیده
ایتمسی ، اخلاق دویغولرینک آزالدیغنه و غیر
اخلاقی حرکتلرک چوغالدیغنه علامت اولاماز .
بو خصوصده دوغرو بر حکم ویره بیلیمک ایچون ،
قانونک تجزیه ایتدیکی جرملرک حقیقی مقدارینی
بولق و اخلاقی وجدانده جرملره قارشى موجود
حساسیتک ، عکس العمل قابلیتک درجه سنی
اولچمک و بونی هم ماضی ایله ، هم دیگر جمعیتلره
مقایسه ایتک لازمدر . اخلاقده سقوط اولان
بر جمعیت ، ایچنده آز چوق جرم ایشله ن
بر جمعیت دکلدر . چونکه شیمدییه قدر تاریخده
موجود اولمش هیچ بر جمعیت یوقدرکه ،
اوراده دائماً جرم ایشله نمش اولماسین . اندیشه
ایدیله جک اخلاقی حال ، دهادوغروسى اخلاق
آنا ریشی ، وجدان عامه نك جرملره قارشى
حساسیتینی و عکس العمل قابلیتینی غائب ایتمسیدر .
جزا قانونک بعض خصوصاتده شدتلمه سی ،
افکار عامه ده مبالا سز لقلره قارشى قوتلی بر تقبیح
جریانى حصوله کلمه سی بونک عکسنی اثبات ایتزمی ؟

« اخلاق سزلق » حکمنی ، بویله مطلق
و قولای بر شکلده ویرمه مکله برابر ، اخلاق
تلقیلرنده بویوک بر تبدل اولدیغنی ده سویله مک
لازمدر . حقوق قاعده لرنده ، اقتصادی مؤسسه
لرده ، بدیعی ذوقلرده درین تحوللره شاهد
اولوبورز . بوتون دنیا ده کی جمعیتلری اداره
ایدن « قیمت » لک بویله آلت اوست اولدینی
بر دورده اخلاقی قیمتلرک اسکی شکللرینی
محافظه ایتمی بالطبع قابل دکلدر . اخلاقده
بر تکامل کچیوریور . بو کونکی حال ، بر انتقال
دوره سیدر . اخلاقی دستور عمللر ، شمدییه
قدر قوتلرینی دینی حسیاتدن آلیورلردی .
اونلره ، غیر قابل تجاوز ، قدسی بر ماهیت ویرن

شی ، ماضیده دینی اعتقادلرله ممزوج اوله رق موجود
اوله لریدر . دینی حسیات وجدانلره قوتله حاکم
اولدینی زمانلر اخلاق دویغولری ده تزلزله اوغرا .
مایان بر ولایت مالکدی .

فقط دینی اعتقادلر صارصیلنجه ، اخلاق
حساری مسندسز قالدی . ماضیه رجوع قابل
اولمادینی ایچون اخلاقه بو قوتی بخش ایده جک
یکی بر منبع بولونجه یه قدر بو بحران دوام
ایده جکلدر . بوتون غرب ملتلی بو بحراندن
شکایت ایدیوریور . فقط بویکی منبع بولونمشدر . شمدییه
قدر حسی اولان اخلاق ، آرتق « عقلی » اولاجقدر .
لائیک اخلاق ، عقله استناد ایدن اخلاقدر .
یکی یتیشن نسللر بو اخلاقی اوکره نه جکلردر .

فقط عقلی اخلاقی ، اخلاق نظریه لرله
قاریشدر بر ماملیدر . اختباریه ، نفعیه ، فکریه ، عقلیه الخ .
بوتون بوجشید چشید اخلاق نظریه لرینک حقیقتله ،
شأنیتله علاقه لری یوقدر . حیاتدن آیری اولان ،
بوجرد اخلاق فلسفه سی رینه مشخص بر « اخلاق
علمی » قائم اولمقده در . اجتماعیاتک یاردیمیه عرف
تدقیقاتنه استناد ایدن بو علم ، بر ملتک مؤسسه لری ،
وجدان عامه نك مؤیده لری آرقاسندن ، بالفعل
موجود اولان اخلاق قاعده لرینی ، اخلاقی فکر
حرکتلرینی بولاجق ، بر ملتک « خیر و شر » دیدیکی
شیلری ، اخلاقی قیمت حکملرینی میدان
چیقاره جقدر . بو صورتله شمدییه قدر طبیعت
حادثهلرینی تنویر ایدن علم ، شمدیدن صوکره
وجدانده حاکم اوله جق واوراده بوش قالان
یری دولدر اچقدر . طبیعت اشیا سنک ، طبیعت
حادثهلرینک ناصل آیری آیری علملری تشکل
ایتدیه ، استقرا طریقیله اخلاقی فکرلرکده بر
علمی وجوده کله جکلدر .

مکتبلرده اخلاق تدریس آتمزه ، اخلاقی
تربیه یه بزده شمدیدن بو استقامتی ویرملی ز .
نجم الدین صادر

آری آری جوابلر ویرمکده در . نه کم اجتماعی نظام مفهومی ایله شدتله علاقه دار اولان حریت، مساوات کی انقلاب عمده لری حقیقه ده مختلف تلقیلر موجود در . جمعیت و دولت حیاته عائد بره نیلرده وطنداشلاک یکدیگرینه ضد قناعتلر طاشیلاری عمومی مفکوره لک تحقیقی اشکال ایده بیله جکی ایچون بونلر حقیقه بر بر مری تنویر اتمک ملی بر وظیفه در . بوعتبار ایله اجتماعی نظام مفهومه دائر حسب حالده بولونلسنی فائده دن خالی عد ایچورم .

هر کجه معلوم بر حقیقتدر . مدنی جمعیتلر اولدجه مطلق جانلی وسیال بر رتعضودر لر . بونلرک تشکل ، تکامل و حیاته عائد قانونلری تدقیقه چالیشان اجتماعیات هنوز طبیعی قانونلره عائد یلکیلر کی مثبت و قطعی اساسلر وضع ایده مه مشدر . بونلرک برابر جمعیت و دولت حیاته عائد تدقیقلر اودرجه انکشاف اتمشدر که مقدرات ملتی اداره ایدنلرک اولنردن ملهم اولقسزین اجتماعی فعالیتده بولنه بیللمرینه امکان یوقدر .

جمعیت حیاتی اکثریتله . کندينه مخصوص عضولری، آرزولری، احتیاجلری نظراعتباره آلنهرق برانسان عضویتنه بکزه تیرلر . دولت، مستقل بر جمعیتک استقلال و مختاریتی افاده ایدن بر مؤسسه اولق اعتباریله مستقل جمعیتلرک مطالعه سنده جمعیت حیاتی دیدیکمز زمان اونیده قصد ایدیورز و موضوعمه داخل کورویورز .

برانسانک متکمل و قدرتی بر شخصیت اوله بیلسمی ایچون اونلک مادی و معنوی بتون ملکه لرینک منکشف و متوازن اولسی ناصل لازم ایسه جمعیت حیاتی وجوده کتیره ن عامللر و مؤسسه لکده او وجهله انکشاف اتمسی و حال موازننده بولونسی شرطدر . بالفرض یالکز دماغی قوتلی ، اراده سی ضعیف و یا خودروسی زنده وجودی خسته برانسان ناصیل تام بر شخصیت تشکیل ایده منزه حیات و تشکله مؤثر اولان قوتلر آراسنده آهنکسزک بولنان بر جمعیتده اوله ججه مترقی و مدنی بر هیئت اجتماعی وجوده کتیره من . آلمان فیلسوفلرندن « هردر » ک یوقاری یه یازدیفمز فکری بو خصوصده بزی دوشوندر بره جک و تنویر ایده جک ماهیتده در .

حیات اجتماعی یه مؤثر اولان و اونی غدالاندران عامللر ، قوتلر ، جمعیت انکشاف ایتدیکجه کثرت و مغفلیت عرض ایدرلر و بونلر یکدیگری اوزرینه متقابل تأثیرلرده بولنورلر . حد ذاتنده ای طن ایتدیکمز شیلر بیله معین بر درجه وحدی تجاوز ایدنجه جمعیت حیاتنده وجودی ضروری موازنه یی بوزار ، و بو صورتله فائده یرینه مضرت ویرمهک باشلار . مثلا یوکک تحصیل هر وطنداش ایچون شایان آرزو بر ایده آلدر . فقط بر هیئت اجتماعی ده یوکک تحصیل کوره نلرک حد لازمی آتماسی اونلرک ایش بولاماملرخی و بو صورتله استحصال ساحه سنندن ، استهلاک وادینه کجما رخی ایجاب ایدر که نتیجه اعتباریله اجتماعی نظامی بوزار . اجتماعی نظام مسئله سی بر دولت نقطه نظرندن ، برده فردی نقطه نظرندن مطالعه ایدیلر بیلر . بز بو کونکی یازغیزده مسئله یی آنجق فردی جبهه دن تدقیق

اجتماعی نظام

[انضباط — اختصاص]

« بردونلک صحت و دوامی اونلک کولتورینک یوکک ککنه دکل ذی حیات اوله رق مؤثر بولنان قوتلری آراسنده کی مسعود و معقول موازنه یه استناد ایدر . فعالیتک مرکز ثقلی بوجانلی موازنه یه مستند اولدینی درجه ده دولتده قوتلی و دوامی اولور . »

Herder' Ideen zur Philosophie der Geschichte der Menschheit.

انقلاب لغتجه سنک الاشایع و معروف تعبیرلرندن بری ده « اجتماعی نظام » ترکیبدر . آنجق بوا یکی کله نلک افاده ایتدیکی معنایون وضوح و اهمیتی ایله ذهنتلر منزه متبلر قناعتلر شکلنده ، هنوز یرلشمه مشدر . اجتماعی نظام نه دیمکدر ؟ بونلک جمعیت و دولت حیاتنده اوینادینی رولک ماهیتی نه در ؟ بو سؤالره منور وطنداشلاک هر بری کندی فلسفی و اجتماعی دوشونجه سنه کوره دولتی، موده رن بر دولت دیه قبول ایتدیکمز حالده شونی سوبله مک ایستهرز که ، عسکری موقیتلرینک ائک بوبوک سری ؛ « ملی عسکری تشکیلات » در . و اختلال فرانسه سی ده ، اونلک ایچین ، فه ثودال آوروپایه میدان اوقوبایلیمشدر .

تشکیلاتک غایه سی ؛ متحد بر فعالیتدر . بو متحد فعالیتلرک اجتماعی و اقتصادی مؤسسه لرک تشکله ، یارایجی بر قدرت حاله کله لرنده جوق اهمیتلر روللری واردر . قوتو براتیقلر ، تعاون جمعیتلری ، مختلف استحصال برلکلی الخ .. بوکون یالکز عمومی حیاتنه اهمیتلی وارلق اولارق قالمشدر ، عینی زمانده فردلر آراسنده ده معظم بر « اجتماعیلک » ک انکشاف ایتمه سنده یاردم اتمشدر . اجتماعی وظیفه حسی ده بو صورتله « فعال » و « شعورلو » بر ماهیت آلمشدر . بوکون هر کس جمعیت قارشی بر « مجبوریت » ، بر « وظیفه » حس ایدیور .

محافظه کار اولسون ، رادیقال اولسون بونون جریانلر ، « شخصی » اولقندن زیاده جمعیتده مؤثر اولمایه چالیشیور . حالبوکه ، اجتماعی فردجیلکدن اولکی دورلرده فرد ، اوزاق ماضیلرده تسلی آرامق مجبوریتنده ایدی ؛ جمعیت ایله مثبت بر علاقه سی یوقدی . فقط فردی اجتماعی حیاته « فعال » بر صورتده اشتراک ایتدیره ن دور ، تاریخی و اقتصادی انکشاف ، بزه فعالیتلرک حقیقی موضوعنی کوسته رمشدر . فردلرک بویکی فعالیت شعوری ، یکی حقوقی محتواسی، دوات ایچنده آریه ن فعال اشتیاقلری یکی بریورد تلقینک دوغانسته سبب ویرمشدر : ملتجیلک . بز ، بونی موده رن آوروپانک مختلف فکری و اقتصادی فعالیتلرنده کوره بیلر . (« وهرنر زومبارت » ک « بورژوا » سنه مراجعت .)

م. نرمی

فقط اجتماعی فردجیلک کله ماهیتی ، تعین ایده رکن ملتجیلک مفهومی ده اُسکی مهبتمندن قورتولارق داها صریح بر شکل آلمایه باشلامشدر . بوندن اولکی مقاله لر منزه ایضاح ایدیلدیکی کیبی فردک اجتماعی انکشافی، هر برده « عینی » اولادینی ایچون ملتجیلک تلقیلری ده بری برندن فرقلیدر .

اجتماعی فردجیلک تلقینک تشکلی، هیچ شبهه سز فردجیلک (آندی ویدو آلیزم) جریانک منطقی بر نتیجه سیدر . فقط ، بز بوراده اجتماعی بر واقعه حاله انقلاب ایده ن بر « فکر » دن بحث ایتورز . معین جریانلری افاده ایده ن تعبیرلرک عمومی حیاته بویوک مناسبلری واردر . جوق دفعه اجتماعی تعبیرلر ؛ حیات ضرورتلرینک افاده سیدر . حیاته مناسبی اولمایان بر تلقینک « مؤثر بر واقعه » طرزنده تجلیسته امکان یوقدر . اُسکی زمانده ده ، اورتا زمانده ده « فردجیلک » تصادف ایدیلر بیلر ، فقط بو فردجیلک ؛ اجتماعی مؤسسه لرده کنديسی حس ایتدیره ن ، فعالیتنی افاده ایتدیره ن بر فردجیلک ده کیلدر .

بز ، « فردجیلک » ک ایلک سیسلی اویانیشی رونه سانس حرکتنده کورورز . فقط رونه سانس تیلر اتمش بر جریانندن زیاده ، ایچنده استقبالک وارلق شکللرینی صاقلایان بر « قانوس » در . اجتماعی فردجیلک ایسه اون دوقوزنجی عصرده حیاته کیره ن و کنديسی حس ایتدیره ن بر واقعه در . رونه سانس حرکتی ؛ « اوتوریت » یه استناد ایده ن بر کولتور ایچنده دوغانشدی . اونلک ایچون بوکولتورک هم ن بونون عنصرلری رونه سانس حرکتی ایچنده حس ایدیلوردی . حالبوکه : موده رن کولتور ؛ « اُسکی مرکزیت » اوتوریت سنه تمایله ضد قیمتلر یار اتمشدر . « اُسکی مرکزیت اوتوریتیه سی » دورنده « اجتماعی شی » فردی بوکونکی کیبی علاقه دار ایتدزدی . فقط موده رن کولتوری افاده ایده ن اجتماعی فردجیلک ؛ یکی زمره تشکیلاتیله فردی دوغانردن دوغانویه حیاته ربط اتمشدر . « آفندی و کوله » ذهنیتی ده بو صورتله ده کیشهرک « حر و فعال فرد » ذهنیتی تأسس اتمشدر . اونلک ایچین بز ، اجتماعی فردجیلک دورینک ائک اهمیتلی تظاهریله تشکیلات طرزنده تصادف ایده رز . تشکیلاتدن محروم فردلرله ، تشکیلات وجوده کتیره ن فردلرک دولت مؤسسه سنده کی موقی برده کیلدر . اورتا زمانده دولت ؛ فردلری اهل ایده ن ، فردلرک طالعه ایسته دیکی کیبی حاکم اولان بر مؤسسه ایدی . حالبوکه تشکیلاتی زمره لره استناد ایده ن موده رن دولت ؛ جمعیتک عمومی فعالیتی دیمکدر . اونلک ایچین موده رن دولتک مختلف تشکیلاتدن الهام آلان بر تربیه ، بر اقتصاد ، بر بول ، بر اجتماعی معاونت الخ .. بولتیقه سی واردر . چونکه : آرتیق دولت ؛ بوش وقوته استناد ایده ن بر مؤسسه ده کیل ، جمعیتک فعال و یارایجی اشتیاقلرینی افاده ایده ن ائک یوکک اجتماعی سه نته ز (ترکیب) در . ایشته موده رن دولتک ائک بوبوک قوتی بوراده در . موده رن دولت ، تشکل ایتدکدن صوگرا اورتا زمان اساسلرینه استناد ایده ن معظم دولتلرک نه قدار ضعیف ، نه قدار قدرتمنز اولدوغی آکلاشیلیمشدر . ناپولیون بوناپارت

ایده جک و موضوع انکشاف است که عمومی جبهه به یکجک.

جمعیت حیاتی اینجده یاشامغه مجبور اولان فردلر ایچون اک مهم اجتماعی حادثه اولنلرک جمعیت حیاته انطباق ایده بیلرلریدر . فقط بو انطباق منفعل و غیر مستحصل برشکده دکل ، جمعیت ترقی و انکشافی ایچون فعال و مستحصل بروضعته وقوع بوللیدر . ذاتاً معاصر تربیه عالمترینک تعایم و تربیه دن بکله دکلی باشلیجه غایده بودر . فردلر حیاتلرینک هر دورره سنده اینجده بولونقلری اجتماعی وضعیتک ایجاباته توفیق حرکت ایده جک و بوسورتله ملی مفکوره لریک تحققة مانع اولقی شویله دورسون اولنلرک انکشافه چالیش جقلردر . مترقی جمعیتلرده اجتماعی و اقتصادی ایش بولومی مطلقاً تعقیب لازم کلن و فردی قوتلردن اعظمی استفاده بی تأمین سائق اولان برحیات و تیره سیدر . فردلر حیاتلرینک دوامی مدتیجه فعالیت اجتماعی لرده بواش بولونلرک مقتضاته تبعیت ایتکه مجبوردرلر . جمعیت حیاته مؤثر اولان هر وطنداشک اجتماعی فعالیتک ایکی جبهه سی واردر : بری فردک اینجده بولندینی وضعیت اجتماعی قارشیدنده کی حقوق و وظایفه تعلق ایدن جبهه درکه بواونلرک وطنداشلق صفتی علاقه دار ایدر . دیگر کی ده حیاتی قازانقی ایچون مسلک اتخاذ ایتدیکی صنعت و مشغولیته عائد جبهه درکه بوده اونلرک مسلکی قدرت و قابلیت تعلق ایلر . اساساً فردلردن تشکل ایدن بر هیئت اجتماعی تک تام بر آهنگ و نظام اینجده انکشاف ایده بیلیمی ایچون بواکی جبهه تک یکدیگری اتام اتیمی لازم کلیر . حقیقی وطنداشلق صفتی ، فردک اخلاق و سجه سنک تربیه سی ایلر اکتساب اوله بیلیر . مسلکی قدرتی و شخصی قابلیت نه اولورسه اولسون و وطنداشلق ایجاباته رعایت ایتمین بر فردک اجتماعی قیمتی صفردر ، و بلکه ده صفرک نحتده ... منی و مضردر . دولت و دیگر وطنداشلری قارشیدنده کی وضعیتی ، اولنر ایلر اولان مناسبتی ایجه ادراک ایده مین فردلر اجتماعی نظامک خادمی اوله مازلر . بزده مع التأسف و وطنداشلق حقوق و وظایفی قدر آز آکلشلمش ، آزرعایت ایدلش برشی یوقدر دنبله مبالغه ایدلش اولور . حریت و مساوات ، بالخاصه حریت مفهومی حقتده کی یا کلش تلقیلر اجتماعی نظامک ا بویوک دشمنلریدر . هریاشک ، هر صنفک هر اجتماعی وضعیتک کنده مخصوص اصوللری ، عادتلری ، نظاملری واردر . جمعیت ، انکشاف و ترقیسی ایچون بولنری ، یوقه وضع ایتکه ، وارسه رعایت ایتدیرمکه مجبوردر . مأمور ، مکتبی ، ضابط ، اصناف ، جفتی ، سربست مسلک اصحاحی الخ ... هر صنف کنده عائد اصول و نظامه توفیق حرکت ضرورتدهدر .

فردی جمعیت ربط ایدن ملک و صنعت جبهه سنه کلنجه بوراده اختصاص مسئله سنه تماس ایتش اولوروز . اجتماعی ایش بولومنده اختصاصک حائز اولدینی اهمیت مستغنی ایضاحدر . بویله اولفله برابر ، بزم هیئت اجتماعی مزده اختصاص مسئله سی لایق اولدینی اهمیت وجدیت ایلر نظر اعتباره آلتامشدر .

فردلره ، فطری و کسی قدرت مسلکله لرینه

قانون حیات

عائله ده قادین

تورک قادینک عائله ده کی وظیفه لرندن بحث ایتدهن اول عائله تک مختلف دورلرده حائز اولدینی معنا اوزرنده توقف ایتک ایسته بوروز . چونکه بو سایه ده قادین حقتده کی تلقینک ده نه صورتله تکامل ایتدیکی کورو له جکدر . تاریخ و ایوم موجود اولان بعضی جمعیتلر ، عائله حقتده کی طرز تلقینک هر یرده عینی اولمادیقنی کوستریمکدهدر .

اجتماعیات تدقیقاتی اثبات ایدیورکه ، عائله تک و جمعیتک اک ابتدائی شکلی سمیه - clan در . مثلاً اوسترالیا تک سیاهیلریده کورولدیکی وجهله سمیه کندیلرینی بری برلرینک اقرباسی عدایدهن فردلردن مرکب برزمه در . بواستایلرک دینی «توتهمیزم» در : عین سمیه دن اولان بوتون فردلر جانی ویا جانسز ، عمومیتله حیوانی و یا نباتی بر وارلق اولان توتهملرینی کندی جدلری عدایده درلر . بو خصوصده بویوک کوره وظیفه تودیع ایدن و اختصاصلر آراسنده بر موازنت تأسیس ایده یلر جمعیتده نظام اجتماعی کندیلکندن و - وده کلش اولور . بویوک تقدیر ایلر کوردیکمز آلمان مدینتی ، اختصاصه رعایت سایه سنده ، فردلردن اعظمی استفاده تأمین ایتک صورتله تعضو و انکشاف ایتشدر . بر آلمان کندی مسلک و صنعتده دنیا تک اکثریتی آدمیلر . وطنداشلق تربیه سی ، انضباط حسی قدرت مسلکله یه انضمام ایدنی آلمان هیئت اجتماعی سنک معظم برماکنه کی یکی یکی قیمتلر ، ثروتلر استحصالده دوام ایتسی طبیعی بر کفیتدر .

اختصاصک هم اجتماعی نظامه ، و همده مسلکک ترقیسته یامش اولدینی خدمتک مثاللرینی کندی هیئت اجتماعی مزده ده کوره بیلیرز . بزده عسکرلک و طبابت دیگر ممالک اجتماعی نه نسبتله دهامترقی برحاله در . عینی وطنک اولادلرندن بر قسمی بوساحه لرده موفق اولدقلری حالده دیگر اجتماعی مشغله لرده ایچون آرزو ایدیلن قدرتی کوستریمیلر ؟ بونک سببیک بیطدر : عسکرلک و طبابت بزده اوتدهن بری بر اختصاص ایشی اوله رق تلقی ایدلشدر . وضعیت اجتماعی نه اولورسه اولسون هیچ برونطنداش باشقه بر مسلکدن بونلره کچمکی ممکن کورمه مش و حتی خاطرنه بیله کتیره مشدر . ایشه کرک دولت خدمتلرینه و کرک خصوصی مشغله لره تعلق ایتمین ، هر مسلک ایچون عینی دوشونجه تک ، عینی ذهنیتک تأسیسی لازمدر . هیئت اجتماعی مزده آرزو ایتدیکنر نظام و استقرارک تأمین ایچون وطنداشلق تربیه سی ایلر اختصاصه رعایت اساسک هر شیدن اول تأمین و تقویه سنه چالیشیق ملی وظیفه لرمنک اک مهملرندن بریدر .

نکی مسعود

اجتماعیاتی «دور قهایم» دیورکه : توتهم ، زمهریه هم بر مثال ، همده معشری بر اسم خدمتی کورور . مثلاً : اگر توتهم قورد ایشه سمیه تک بوتون اعضاسی جدلرینک بر قورد اولدینی و بشاء علیه کندیلریده قوردلردن برشی بولوندینی ظن ایده درلر . دیکک بویله جه تعریف ایدیلن سمیه بریتی جمعیتدر . چونکه بری برلرینه عین عائله دن نشأت ایتش نظریله باقان اند . انلردن مرکبدر . فقط سمیه ، دیگر عائله لرده شو واقعه دولایسیله آبریلرکه سمیه ده اقربالق منحصرأ توتهمک معشری اولماسی اوزرینه مؤسدر . یوقه معین بر قانداشلق مناسبتلری اوزرینه ده کیل .

توتهم مفهونه تابو - tabou «یعنی منع و حرام» مفهوملری ده مربوطدر . مثلاً ، توتهم اولان وارلنی تولدورمک ممنوعدر . یالکز بعضی آیتلرده سمیه افرادی توتهمک قوتلرینه و خصلتلرینه نائل اولقی و اونی تمثیل ایتک ایچون توتهمی برلر . بوندن ماعدا عینی سمیه تک اُرکک و قادینلری آراسنده تولمک ممنوعدر . بوسورتله معین بر سمیه منسوب اولان اُرکک و قادین سمیه تک خارجده تولمک مجبوریتنده درلر . بوکا «نه غریغامی» دینیر . بعضی عشرتلرده بوقاعده به قارش کلنلرک جزای تولو در .

بویله عائله لرده دوغان جوجوق آناسنه ، یعنی یعنی آناسنک سمیه سنه مربوط اولور . بابانک اونک اوزرنده هیچ بر حق یوقدر و جوجو غک اک یاقین اُرکک اقرباسی باباسی دکل ، دایسیدر . عائله تک بو شکله «مادرشاهی» دینیر . نسبتاً نادر اولان بعضی عائله لرده بر قادینک متعدد و اکثریتله بری برلریله قاردهش اولان قوجالری اولدینی مشاهده ایدلشدر و بوکا کثرت ازواج - polyandrie دینیر . اسکی مصریلرده و امرا ییلرده تولن قرده شک قاریسینی قاش برادرینک آملغه مکلف اولماسی بوعادتک بر بقیه سیدر .

بوکا مقابل دیگر واک فضله تعمیم ایدن بر عائله شکلی اولقی اوزره کثرت زوجات polygamie نامی طاشیان بر عائله کوریلوروز . اکثریتله پولیغامی ایلر برابر کورولن عائله تپی پدرشاهیدر ، یعنی رئیس قوجا و بابادر . قادین و جوجوق اُرککک عادتا ملکیدرلر .

نهایت مدنی جمعیتلرده کورولن دیگر بر انموذج ده و ارکه بو وحدت زوجات - monogamie در و بر اُرککک آنجق بر قاریسی واردر . بومونوغامی عائله تپی ده تاریخده بر یوق دورلر کچیرمشدر : روماء عائله سی بر بابانک تولن و تولنمین بوتون جوجو قلیرینی کلینلری ، طورونلری و اسیرلری احتوا ایدیوردی . بوعائله پدرشاهی عائله تک اک واضح نمونه سیدر . قادین و جوجوق اککه تماماً تابعدرلر . اُرککک بونلر اوزرنده هر نوع صلاحیتی و حتی حیات و ممات حق واردر . بو حال ، عیناً اسلامیتدن اول مکده ده مشاهده اولونمده ایدی . فقط یواش یواش بعضی تاریخی سبیلرله بابانک و قوجانک بومطلق ولایت دارالیدی . روماده و مکده بابا ، پتی دینک رئیس ، اوجا غک - لطفاً ۱۳ نجی صیفیه کچیکر -